

**Akilaraaruserinermik ingerlatsineq pillugu Inatsisartut inatsisaata
allanngortinneqarneranik Inatsisartut inatsisissaattut siunnersuut**
(Aningaasaqarnermut Naalakkersuisumit saqqummiunneqartoq)

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerreqarneranut

ISUMALIUTISSIISSUTAA

Ataatsimiititaliap suliarinninnerani peqataapput:

Inatsisartunut ilaasortaq Andreas Uldum, Demokraatit, siulittaasoq
Inatsisartunut ilaasortaq Olga P. Berthelsen, Inuit Ataqtigiit, siulittaasup tullia
Inatsisartunut ilaasortaq Juliane Henningsen, Inuit Ataqtigiit
Inatsisartunut ilaasortaq Aqqaluaq Egede, Inuit Ataqtigiit
Inatsisartunut ilaasortaq Siverth K. Heilmann, Atassut
Inatsisartunut ilaasortaq Jens Immanuelson, Siumut
Inatsisartunut ilaasortaq Finn Karlsen, Siumut

UKA2011-p ingerlanerani ulloq 25. oktober 2011 siullermeerinnittoqareermat ataatsimii-
titaliap siunnersuut misissuataarpaa.

Siunnersuutip imarisai siunertaalu

Siunnersuut Akileraartarnermik Aqutsisoqarfiup akilaraarutit sippuutaannit ilanngaassisin-
naaneramik erseqqissaaniarneruvoq.

Siunnersuutip Inatsisartuni siullermeerneqarnera

Siunnersuut siullermeerneqarnermini partiinit tamanit taparserneqarpoq.

Ataatsimiititaliap siunnersuummik suliarinninnera

Inatsisartut Ombudsmandiat suliasami aalajangersimasumi naliliisimavoq Akileraartar-
nermik Aqutsisoqarfik innuttaasup akilaraarutit sippuutaannit pisassaasa ilaat, kommunimut
akilaraarutitut tunngassuteqartut pineqartup akitsuutinut akiitsuinut ilanngaatisin-

naanngikkai, kommunimummigoq akileraarutinut tunngasut kommunip akiligassarimmagit. Erseq-qissaanissamik siunnersuutigineqartukkut nalornissutaajunnaassaaq Akileraartarnermik Aqut-sisoqarfik akileraarutit sipputaannik tamarmiusunik Namminersorlutik Oqartussanut akiit-sunut ilanngaassisinnaasoq. Ataatsimiititaliap siunnersuut tamakkiisumik tapers-ersin-naavaa.

Erseqqissarneqassaarli ombudsmandimi suliaq ingerlasoq taamaalilluni ataatsimiititaliap isummerfiginngimmagu. Ataatsimiititaliap ilanngullugu oqaatigissavaa matumani siunnersuutitut sivikitsigisumik piffissaqartitsilluni inatsisiliornissamik siunnersuuteqarnerup pipal-latanik inatsisiliornikkut kukkussuteqartoqarnissaa annikillisinngimmagu. Pissutsit taamaan-nerannik Naalakkersuisut eqqumaffiginninnerulernissaat ataatsimiititaliap kaammattuutigaa.

Ataatsimiititaliap inassuteqaatai

Ataatsimiititaliap isumaqatigiitup siunnersuutip akuerineqarnissaa inassutigaa

Taamatut oqaaseqarluni isumaliutissiisummilu oqaatigineqartutut paasinnilluni ataatsimii-titaliap taamaalilluni siunnersuut aappaaniigassanngortippaa.

Andreas Uldum, Siulittaasoq

Olga P. Berthelsen

Juliane Henningsen

Aqqaluaq B. Egede

Siverth K. Heilmann

Jens Immanuelson

Finn Karlsen